

مشاورت افغان

مطبعه و محل اداره :

د مال او غنډه امنیت
سندوخی جوارنده
شکول یقوشنده
۲۰ نوموړو

سلکمزمووافق آثار
جدیده مع الممنونه
قبول اولنور

درج ابدلهین آثار اعاده اولنماز

دبیره ، فلسفه ، علوم ، حقوق ، ادبیات تاریخ ، سیاسیات د و بالخاصه احوال و شئون اسلامیه د بحث ابرو د هفته د نشر اولنور.

آبونه بدلی

صاحب و مؤسسلری :

در سعادتده نسخہ سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلدیر

۱۰ تموز ۱۳۲۴

سنه لکی	التی آیلانی	غروش
عالم عثمانیه ایچون	۶۰	۳۰
روسیه	۶۰	۳۰
سائر ممالک اجنبیه	۱۷	۹

عدد : ۱۷۹

۱۹ صفر ۱۳۳۰ پنجشنبه ۲۶ کانون ثانی ۱۳۲۷

یدنجی جلد

وردیلر ؛ فقط او موقت متاع ، او متاع قالدیلر ؛ قالدیلر ؛

ینه تعصب وعداوتدن عبارت قالمش ، تورکجهسی صلیک هلاله قارش
جنک وجدالی دنک وشکلی اطرافنده دونوب دولاشوب دورمشدر .
ازمیر - آناتولی

« علیکم بسواد الاعظم »

جناب شارع علیه السلام بو مبارزه کاه فناده تصادف ایدیلجک کافه
مشکلات ومعضلاتی بزه قارشو مغلوب براقه حق بی حساب حکمتلر ،
چاره لر ، تدبیرلر احسان بیورمشدر ، ایشته افکاره فتوروتشوش ،
آرایه شائبه انحراف و تشات عارض اولق ، بو صورتله اعضای
اسلامک انشقاقی داهیة سنه معروض قالمق کی بر تهلهک باش کوسترسه
فخر رسالت بزی بویله مدھش بر مصیبتدن « علیکم بسواد الاعظم » حکمت
قدسیه سیله تخایص بیوردیلر ؛ رسولک تبلیغنی قبول ، امرینی انفاذ ایتک
اساس اسلامیت اولدینی ایچون هر مؤمن بو امر عظیم ومبارکک مدلول
منفخیمله عمل ایتککه مجبوردر یعنی ای مؤمنلر ! حریم اسلامیه شیطان
افتراق داخل اوله رق سزی حبل متیندن اوزاقلاشدیرمغه چالیشدیغنی
کوردیکز می اکثریتی التزام ایدیکز ، بن کندی رأیله عمل ایدهرم ،
کیمسه یه تابع اولمغه مجبور دکلم دییهرک تحکیمنه مجبور اولدینی کتله
محمدیہ نی وجودینی ، رأینی اورادن آیرمق صورتیله اضرار ایتک وبال
عظیمدر ، اللھک « واعتصموا بحبل الله جميعا » امر شریفنه مخالفدر ، اساس
دینه مغایردر ، بو حکمت جلیله ایله عامل اولمیان ملتلر ، حکومتلر محو
اولمشدر ، ایشته فاسد کی اون ملیونلق بر کتله اسلامیه پارچه لاندینی
کی یکدیگریله باریشهرق مصیبت خارجییه متحداً اولسون اغلامنی
بجره میورلر ، اوروپالیلر اونلری تقسیم ایدرکن اونلر بر طاقم مخالف
ومختلف اجتہادلرله بر برلرینی بوغیورلر ،

بر محاربه ده هرکس کندی کندینه حرکت ایدهرک ، یکدیگریله
بنیان مرصوص حالنده بولمازسه اوراده موفقیت وغالیت متصور میدر ؟
حسن نیت ، استحقاق منفعت ، کمال ایمان اولان برووجودده عصای
بیضای اسلامک انشقاقه بادی اوله حق بر فکر عنود ومستکره بولنه ماز ،
اون ملیون فاس مسلماننی تصور ایدلم که عدم اتحاد یوزندن نه یه
معروض قالدیلر ، طرابلس غریبه کی بر آووج مؤمنی دوشونه لمکه اتحاد
یوزندن نه درجه نصرت الهییه مظهر اولیورلر .
ادرنه - وطن

بیاننامہ جهاد

سید احمد الشریف السنوسی حضرتلری طرفندن ایتالیانلرک افریقادن طرد
ودفنی خصوصنده قبائل اسلامییه خطاباً نشر اولندیغنی ۱۷۶ نجی نسخه ده خبر
ویردیکمز جهاد بیاننامہ سی صورتیدر :

بسم الله الرحمن الرحيم

وصلی الله علی سیدنا محمد وعلی اله وصحبہ وسلم تسلیما

انه من عبد ربه سبحانه أحمد بن السید محمد الشریف بن السید علی

برایش یایمق قابل اولماز . اومعارض بولسان وطنداشلرمن کیم ایسه
سؤال ایدهرم . اندلسده بوکون برتک اولسون قودبان کسیله یورمی ؟
جواب ویرملی جواب . بن حکومتدن رجا ایدهرم . سزده سکوت
ایتمه ییکز . متفکر نیز ، شعرا من ، ادبامز هر آن بیقیموب سویله ملیدرلر .
اواناتولین روم ایلیدن کان تلغرافلرک مدلولی حقنده برقرار ویرملیدر .
محترم عسکرلرمن ذاتاً شمعی یه قدر هانکی فداکارلقدن چکیندیلر .
بونی انکار ایتک آلچقلقدر . مأمورینمزد بویله در . بوکون هیمز
معاشمزدن یوزده بشنی منتظماً ترک ایتلی . بوبلا استننا اولورسه سوینه
سوینه قبول ایدیلر . ایشته بزه انحق اوزمان حیثیت ملیه مزله متناسب
بردونمایه نائل اولورز . کرچه ایلک تشبث کوزل . فقط او برغروشک
منتظماً درجی غیر ممکن . آرتق بونایت اولدی . اونک ایچون او اصولی
آرتق ترک ایتلی . بنمالتی یوزغروش قدر بر معاشم وار . افراد عالمه بشدر .
بن کندی بودجه مده بعض تبدیلات اجراسیله یوزده بشدن ماهیه
یکرمی بش غروش ویررسم آج قالم . بومستله یی بر آن اول بر نتیجه یه
رابط ایتایدر . یکی مبعولرمن کانه برنجی وظیفه لری بواشی فعله
رابط ایتک اولملیدر . صو او یور دشمن او یوماز . فوت ایدهرک بر
نایه مز بیله یوقدر . بردونما تدارکی (آقشام پازاری براقه الما آلمغه
بکزه مز) بوکون المزدده اون ملیون لیرامن اولسه ینه بش سنه یه متوققدر .
بونلری بیلکم ایچون بحریه متخصصی اولق لازم کیز . الله رضاسیچون
سکوت ایتیم . بواش قوه دن فعله چیقنجه یه قدر ، صراط مستقیمده
اولسون ، بالعموم غزته لرده اولسون ، مقاله لر اکسیک اولاملیدر .

قاضیکوی

ح . ن .

مطبوعات

هپ صلیب - هلال منازعه سی

شرق مسئله سنکک مهم ساحه وصفحه سنی ، عثمانیلرک اوروپا قطعه -
سند کی علاقه وارتباطلری تشکیل ایله مش اولدیفنه بر عصر دنبری دکلده
هان عصر لر دنبری جریان ایدهلر کادن حادثه لر ، اک بلیغ لسان واک قطعی
بیان ایله شهادت ایدوب دوریورلر . هر آووج طوبراغی بر شهید قانی
ایله یوغورلش دنیلجک قدر عثمانلی حماسه و مجاهده سنه جولانکاه
اولان بویلرک عثمانیلر آئنده ، اسلام حاکمیتی آئنده قالمه سنی چکمه یین
بر خرسیتیانلق ، بر اوروپالیلرک روحی وارکه آنک عصر دیده وسکون
ناپذیر تظاههلری شرق مسئله سنکک یا عامل وسائق ، یا وسیله و آلتی
اولمشدر . ناقصوه ، نیکبولی ، وارنه محاربه لری زماننده باش کوسترن
بو تعصبکار روح ، زمانک مروری ایله ماهیتی دکل ، ساده جه شکل
وقیافتنی دکشدیرمش ، درلو درلو قالبلره کیرمش ، مختلف مجرالردن
آقشدیر . فقط دقت ایدیلنجه فرق اولونمشدر که او ، دائماً عین هویتله